

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-16130/19
Sarajevo, 27.9.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje ostalih građevinskih radova prema iskazanim potrebama i prioritetima u zgradi Općine i ostalim općinskim objektima

I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje ostalih građevinskih radova prema iskazanim potrebama i prioritetima u zgradi Općine i ostalim općinskim objektima, broj obavještenja 422-1-3-216-3-105/19, objavljen u „Službenom glasniku BiH – Oglasnik javne nabavke“, br. 54/19 od 09.8.2019. godine, dodjeljuje se ponuđaču konzorciju: „Oki upravitelj“ d.o.o. Sarajevo i „Meister“ d.o.o. Sarajevo, sa ponuđenom cijenom za ugovor u iznosu od 245.514,38 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Konstatuje se da je ponuđač iz člana I ove Odluke dostavio dokumentaciju traženu u tački 3.1.3. tenderske dokumentacije koja se odnosi na član 45. stav 2 tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

Obrazloženje

Odlukom broj 02/12-23-16130/19 od 31.7.2019. godine Općina Novi Grad Sarajevo pokrenula je postupak javne nabavke za izvođenje ostalih građevinskih radova prema potrebama i prioritetima u zgradi općine i ostalim općinskim objektima, broj obavještenja 422-1-3-216-3-105/19, objavljeno u „Službenom glasniku BiH – Oglasnik javne nabavke“, br. 54/19 od 09.8.2019. godine.

Zapisnikom o otvaranju ponuda od 21.8.2019. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1., „Mont

gradnja“ d.o.o. Sarajevo i 2. Konzorcij „Oki upravitelj“ d.o.o. Sarajevo i „Meiser“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Mont gradnja“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost: da je ponuđač opremljen nophodnom opremom za obavljanje predmetnih radova: kamion nosivosti do 10t-2 kom, skela -min 200 m², dizalica za vertikalni transport tereta nosivosti do 500 kg, što se dokazuje izvodom iz knjige osnovnih sredstava ili ugovorom o iznajmljivanju opreme, a za kamione se dostavlja saobraćajna dozvola, za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenju dokumentaciju „Mont gradnja“ d.o.o. Sarajevo utvrđeno je da su za kamione dostavljene saobraćajne dozvole istekle 21.4.2019. godine i 25.4.2019 godine, odnosno prije 21.8.2019. godine koji je određen kao krajnji rok za predaju ponuda. Također nije ispunjen uslov tražen u tenderskoj dokumentaciji iz tačke 4.7. - garancija za ozbiljnost ponude. Ponuđač je dostavio garanciju u plastičnoj foliji, ali ista nije na vrhu zatvorena naljepnicom na koju se stavlja pečat ponuđača ili odnosno nije zatvorena jamstvenikom a na mjesto vezivanja zaljepljena naljepnica i otisnut pečat ponuđača.

Iz naprijed navedenih razloga utvrđeno je da ponuđač „Mont gradnja“ d.o.o. Sarajevo ne ispunjava uslove tražene u tenderskoj dokumentaciji, te je ponuda odbačena shodno odredbama člana 68. stav (4) tačka h) Zakona o javnim nabavkama i člana 3. stav (3) Pravilnika o formi garancije za ozbiljnost ponude i izvršenje ugovora („Službeni glasnik BiH“, broj: 90/14).

Uvidom u preostalu ponudu ponuđača konzorcij „Oki upravitelj“ d.o.o. Sarajevo i „Meiser“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je samo jedna ponuda prihvatljiva, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je nadalje utvrdila da nije bilo računске greške u ponudi, ali je utvrdila da je predmetna ponuda konzorcija „Oki upravitelj“ d.o.o. Sarajevo i „Meiser“ d.o.o. Sarajevo u iznosu od 33.514,38 KM veća od iznosa određenog u Odluci o pokretanju postupka javne nabavke (gdje procijenjena vrijednost predmetne nabavke iznosi 212.000,00 KM sa PDV-om).

Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-11678/2019 od 19.9.2019. godine Služba za finansije je dala saglasnost na traženi dodatni iznos od 33.514,38 KM, te je na osnovu te saglasnosti Komisija nastavila sa procedurom javne nabavke i predložila da se donese odluka o dodjeli ugovora za predmetne radove ponuđaču konzorcij „Oki upravitelj“ d.o.o. Sarajevo i „Meiser“ d.o.o. Sarajevo, sa ponudom u iznosu od 245.514,38 KM sa PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora ponuđaču konzorciju „Oki upravitelj“ d.o.o. Sarajevo i „Meiser“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: 
mr. Neira Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis




Općinski načelnik

mr. Semir Efendić